

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 74 34 00, Fax: 00387 35 74 34 33, e-mail: opcina@banovici.gov.ba, Web: www.banovici.gov.ba

Broj: 01-04-111/20-4

Datum: 10.03.2020. godine

Na osnovu člana 64. stav 1. tačka b. a u vezi sa članom. 89., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj 49/06) člana 43. Statuta Općine Banovići ( Službeni glasnik općine Banovići broj 2/20) i Preporuke Komisije za javnu nabavku, broj: 01-04-111/20-3 od 09.03.2020. godine u postupku javne nabavke radova **„Izvođenje radova na izgradnji vodovodne mreže u Poslovnoj zoni Sadnice“** Općinski načelnik donosi

#### ODLUKU O IZBORU NAJPOVOLJNIJEG PONUĐAČA

##### Član 1.

Prihvata se Preporuka Komisije za javne nabavke broj: 01-04-111/20-3 od 09.03.2020. godine i Ugovor za javnu nabavku radova **„Izvođenje radova na izgradnji vodovodne mreže u Poslovnoj zoni Sadnice“** dodjeljuje se ponuđaču **„GRADNJA 1“ d.o.o. Tešanj**, sa sjedištem u ulici Rosulje bb – Jelah 74264 Tešanj, ponuda broj: 01-P-07/20, za ponuđenu cijenu nakon e-aukcije od 100.000,00 KM bez PDV-a, kao najbolje ocijenjenom ponuđaču.

##### Član 2.

Prijedlog Ugovora o nabavci radova dostavit će se na potpis izabranom ponuđaču „GRADNJA 1“ d.o.o. Tešanj, sa sjedištem u ulici Rosulje bb – Jelah 74264 Tešanj, u roku od 10 dana, računajući od dana kada su svi ponuđači obavješteni o izboru najpovoljnije ponude.

##### Član 3

Ova Odluka stupa na snagu danom donošenja i objavit će se na internet stranici [www.banovici.gov.ba](http://www.banovici.gov.ba) istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik Bosne i Hercegovine“, broj 39/14).

##### o brazloženje

Odlukom o pokretanju postupka javne nabavke radova broj: 01-05-111/20 od 30.01.2020. godine donesenom od strane ovog organa pokrenut je postupak javne nabavke radova **„Izvođenje radova na izgradnji vodovodne mreže u Poslovnoj zoni Sadnice“**.

Predmetna javna nabavka predviđena je Planom javnih nabavki općine Banovići za 2020. godinu, broj: 01-04-81/20 od 24.01.2020. godine pod stavkom 89.

Javna nabavka radova sprovedena je otvorenim postupkom javne nabavke.

Procijenjena vrijednost javne nabavke bez PDV-a je 110.000,00 KM. Obavještenje o nabavci broj: 1220-1-3-7-3-8/20 od 04.02.2020. godine, objavljeno je na Portalu javnih nabavki.

Tenderska dokumentacija objavljena je na Portalu javnih nabavki.

Komisija za javne nabavke imenovana rješenjem broj: 01-04-68/20 od 22.01.2020. godine i broj: 01-04-135/20 od 03.02.2020. godine, ovom organu dostavila je dana 10.03.2020. godine Zapisnik o ocjeni ponuda broj: 01-04-111/20-1 od 03.03.2020. godine, Zapisnik o rangiranju prihvatljivih ponuda nakon e-aukcije broj: 01-04-111/20-2 od 09.03.2020. godine i Preporuku o izboru najpovoljnijeg ponuđača broj: 01-04-111/20-3 od 09.03.2020. godine u postupku javne nabavke radova „**Izvođenje radova na izgradnji vodovodne mreže u Poslovnoj zoni Sadnice**“

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet) i to:

1. „DŽEVKOMERC INŽINJERING“ d.o.o. Zavidovići, sa sjedištem u ulici Dubravački put bb 72200 Zavidovići (datum predaje ponude 25.02.2020. godine; vrijeme predaje ponude 07:20 h),
2. „GRADNJA 1“ d.o.o. Tešanj, sa sjedištem u ulici Rosulje bb – Jelah 74264 Tešanj (datum predaje ponude 25.02.2020. godine; vrijeme predaje ponude 08:37 h),
3. „IGM-IUT HASKIĆ“ d.o.o. Vitez, sa sjedištem u ulici Počulica bb 72250 Vitez (datum predaje ponude 25.02.2020. godine; vrijeme predaje ponude 11:30 h),
4. „FLEX INVEST“ d.o.o. Sarajevo, sa sjedištem u ulici Vilsonovo šetalište br. 10. 71000 Sarajevo (datum predaje ponude 27.02.2020. godine; vrijeme predaje ponude 09:21 h),
5. „GPP BANOVIĆI“ d.o.o. Banovići, sa sjedištem u ulici Armije BiH br.36. 75290 Banovići (datum predaje ponude 27.02.2020. godine; vrijeme predaje ponude 11:12 h),

- da je blagovremeno zaprimljeno 5 (pet) ponuda,

- da nema neblagovremenih ponuda,

- da su ponude ponuđača „DŽEVKOMERC INŽINJERING“ d.o.o. Zavidovići, „GRADNJA 1“ d.o.o. Tešanj i „GPP BANOVIĆI“ d.o.o. Banovići, ocijenjene prihvatljivim,

- da su ponude ponude ponuđača „IGM-IUT HASKIĆ“ d.o.o. Vitez i „FLEX INVEST“ d.o.o. Sarajevo, odbačene kao **neprihvatljive**, Iz sljedećih razloga:

#### **„IGM-IUT HASKIĆ“ d.o.o. Vitez:**

Ponuđač „IGM-IUT HASKIĆ“ d.o.o. Vitez u svojoj ponudi je dostavio: Obrazac za dostavu ponude, Obrazac za cijenu ponude, Izjavu iz člana 45. ZJN, Spisak izvršenih ugovora, Izjavu iz člana 52. ZJN, Obrazac tehničke specifikacije, Izjavu o garantnom roku, Izjavu o prihvatanju općih i posebnih uslova tenderske dokumentacije i Nacrt ugovora, **ali svi nabrojani dokumenti su potpisani od strane neovlaštene osobe ponuđača.**

U ponudi je dostavljeno ovlaštenje kojem Lice ovlašteno za zastupanje ponuđača – direktor, koji je upisan u sudski registar kao lice za zastupanje ponuđača bez ograničenja ovlaštenja u okviru registrovane djelatnosti (vidljivo iz dostavljenog Aktuelnog izvoda iz sudskog registra) daje ovlaštenje drugom licu u stalnom radnom odnosu kod ponuđača, ali samo da može vršiti potpisivanje i ovjeravanje **tenderske dokumentacije.**

S obzirom da je lice na koje je preneseno ovlaštenje izvršilo potpisivanje **ponude, odnosno sastavnih dijelova ponude**, Ugovorni organ ovo ovlaštenje nije mogao ocijeniti kao validan dokument na osnovu kojeg je lice sa ovlaštenjem moglo izvršiti navedene radnje, jer se u ovlaštenju izričito kaže - ovjeravanje i potpisivanju **tenderske dokumentacije.**

Tačkom 13. pod a), Sposobnost obavljanja profesionalne djelatnosti, između ostalog navodi se da je ponuđač dužan dostaviti, kao dokaz o registraciji, aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke. Navedeni dokaz sposobnosti obavljanja profesionalne djelatnosti iz ove tačke tenderske dokumentacije se dostavlja kao original ili ovjerena kopija originala, **s tim da datum izdavanja originala ne može biti stariji od tri mjeseca računajući od dana dostavljanja ponude.**

Aktuelni izvod iz sudskog registra izdat je 07.11.2019. godine, stariji je od tri mjeseca u momentu dostavljanja ponude, te samim tim ponuđač je prekršio ovu odredbu iz tenderske dokumentacije.

U obrascu tehničke specifikacije ponuđač je psopustio popuniti sravku pod **tačkom 9. – VO – ispred uređaja (80x80x130)** Što je također u suprotnosti s tačkom 9. tenderske dokumentacije, gdje se kaže:

„Ponuđači su dužni **SVE** tehničke specifikacije popuniti sa traženim podacima i dostaviti uz svoju ponudu“.

Na osnovu naprijed navedenog, vodeći se principom jednakog postupanja prema svim ponuđačima i na osnovu člana 57. stav 1., 58. stav 1. tačka g), člana 68. stav 1. i stav 4. tačka a) i tačka i), Zakona o javnim nabavkama, člana 9. stav 2. tačka i) Uputstva za pripremu modela tenderske dokumentacije i ponuda, te tačaka 9. i 13. a) Tenderske dokumentacije Ugovorni organ ponudu ponuđača "IGM-IUT HASKIĆ" d.o.o. Vitez **odbacuje kao nepotpunu i time neprihvatljivu**, jer nije dostavljena (potpisana) od strane ovlaštenog lica ponuđača i ne ispunjava zahtjeve iz Tenderske dokumentacije.

**„FLEX INVEST“ d.o.o. Sarajevo:**

Nije dostavljen dokaz o stalnom radnom odnosu lica koje će biti odgovorno za izvođenje radova koji su predmet javne nabavke, kod ponuđača.

Ponuđač „FLEX INVEST“ d.o.o. Sarajevo dostavio je izjavu u kojoj se kaže:

„Po članu 51. ZJN, stav c) ugovorni organ može zahtijevati izjavu o angažmanu tehničkom osoblju ili tehničkim organima a za koje se ne može zahtijevati da su uposleni kod kandidata/ponuđača“.

U tom smislu je dao svoju izjavu da namjerava angažovati tehničko osoblje – građevinskog inženjera, te je dostavio sve druge dokumente vezane za kvalifikaciju lica koje namjerava angažovati (dokazi o završenom školovanju – diploma, uvjerenje o položenom stručnom ispitu i dokaz o radnom stažu).

Tenderskom dokumentacijom, odjeljak 13. Ostali uslovi za kvalifikaciju, tačka b) Tehnička i profesionalna sposobnost, propisano je da ponuđač mora dostaviti dokaze o obrazovnoj i profesionalnoj kvalifikaciji lica koje će biti odgovorno za izvođenje radova koji su predmet javne nabavke (diplomirani inženjer građevinarstva, sa minimalno tri godine radnog iskustva i položenim stručnim ispitom iz oblasti građevinarstva, u skladu sa Zakonom o prostornom uređenju i građenju, koje izdaje nadležno Ministarstvo prostornog uređenja i građenja, zaposlen u stalnom radnom odnosu kod ponuđača).

Članom 51. ZJN propisano je da u postupku javne nabavke radova ugovorni organ može zahtijevati jedan ili više dokaza o tehničkoj i profesionalnoj sposobnosti kandidata/ponuđača. Tačkom b) istog člana se kaže „obrazovne i profesionalne kvalifikacije izvođača radova i/ili kvalifikacije njegovog rukovodećeg osoblja, **i naročito kvalifikacije lica koja su odgovorna za izvođenje konkretnih radova**“

Dakle ne radi se o nagažiranom tehničkom osoblju ili tehničkim organima, naročito onom osoblju koje je **angažirano za poslove nadzora i kontrole kvaliteta**, a za koje se ne može zahtijevati da su zaposleni kod kandidata/ponuđača, što se propisuje u tački c), na koju se ponuđač poziva, već se radi o licu koje je odgovorno za izvođenje konkretnih radova, odnosno kvalifikacijama izvođača radova.

Na osnovu naprijed navedenog, vodeći se principom jednakog postupanja prema svim ponuđačima i na osnovu člana 57. stav 1., člana 68. stav 1. i člana 68. stav 4. tačka i), Zakona o javnim nabavkama, Ugovorni organ ponudu ponuđača "FLEX INVEST" d.o.o. Sarajevo **odbacuje kao nepotpunu i time neprihvatljivu**, jer ne ispunjava zahtjeve iz Tenderske dokumentacije

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

Kako je u predmetnoj javnoj nabavci predviđena primjena e-aukcije ista je održana 06.03.2020. godine.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterijum najniže cijene, koja je ponuđena nakon završene e-aukcije u iznosu od 100.000,00 KM bez PDV-a.



Iz navedenih razloga, primjenom člana 64. stav 1. tačka b. a u vezi sa članom 69. stav 1. tačka a. Zakona o javnim nabavkama, te članom 9. stav 2. Pravilnika o načinu i uslovima korištenja e-aukcije (Službeni glasnik BiH 66/16) odlučeno je kao u članu 1. ove Odluke.

**POUKA O PRAVNOM LIJEKU:**

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića broj 1. 75290 Banovići.

**DOSTAVITI:**

1x Svim ponuđačima koji su učestvovali u postupku JN

1x U spis



**OPĆINSKI NAČELNIK**

\_\_\_\_\_  
**Midhat Husić**

bc